

www.BibleForChildren.org


San Mateo 8



Nuu uni kɪu n-xio ɪn viko tnunda'a ñuu nani Caná distrito
Galilea. Te viko ve'e ijan tuu dɪ'ɪ Jesús. Te diuni n-ka
ja'an ñayiu ijan Jesús xi'in se dakua'a-ia,
xa jɪ'in-ia viko tnunda'a.



Te n-ndoko vinu kuixi, te n-ja'an di'i Jesús nuu-ia: —Xá
n-ndoko vinu. N-ja'an di'i-ia nuu se ka dakee xio xa io
viko: —Kada koio dava'a nga xa ta'u tniu-i.



Te n-ja'an Jesús nuu se ka dakee xio xa io viko: —Dachitu yoo ya ndute. N-ka dachitu-s yoo ndute. N-xia'an-ia: —Vitna tava ita'u-té, te kane'e-té jua'an nuu se yinda'a ntdaa xa io viko.

Te ne'e-s-té jua'an.



N-xi'i se yinda'a viko ita'u ndute n-nduu vinu, ko mee-s ña n-xini nde n-kixi vinu. Ko n-ka xini se ka dakee xio xa io viko, chi mee-s n-ka xe tava-té. Se yinda'a xa io viko, n-kana-s noviu, te n-ja'an-s: —Ntdaa ñayiu, ditna ka dakee xio-i vinu va'a ka.



Te dada, na n-ya'a xa n-ka xi'i va'a se xyi'i viko, dakee
xio-i vinu nda'u ka. Ko mee-n, neva'a-n vinu
va'a ka nde vitna.




Du'a n-kuu milagru ki'na nuu n-kida Jesús. Ñuu nani Caná distrito Galilea, n-dande'a Jesús ñayiu xa taxnuni-ia nuu ntdaa xa io. Te n-ka jandixa ña'a se dakua'a-ia.



Ijan dada juan nu'u Jesús Capernaum. N-kiu-ia ve'e
Spedru, te n-xini-ia xa kaa didido-s xa ku'u-ña.
Ñu'u ña'a ka'ni.



N-tñi-ia nda'a-ña, te n-ndiko ña'a ka'ni. N-ndokoo-ña te
n-xia'an-ña xa n-xaxi-ia.




Xañini ijan ni, na juan keé ngandii, te xndeka ñayiu
ñayiu ku'u jua'an nuu tuu Jesús. Ntdaa ñayiu ku'u xi'in
ntdaa ñayiu ñu'u tachi
u'u anu-i, xndeka-i-yi
jua'an nuu tuu Jesús.
Ntdaa ñayiu
Capernaum n-ka
taka ve'e ijan.



N-ndadava'a-ia kue'e ñayiu ku'u. Kue'e nuu kue'e ka
ku'u ñayiu. N-kine'e-ia kue'e tachi u'u anu-i. Ña
n-xejoon-ia xa ja'an tachi u'u, chi kutnuni
ini-i jundu kuu-ia.



N-juini ntdantu'u ñayiu xyuku ijan xa kaju'un-i Jesús xa
ndva'a-i chi n-kida lanyuux xa kua'a-ia xa
ndadava'a-ia-i.



Ijan n-ka xee seyɿ xndeka se ku'u nuu tuu Jesús. Koon
tna'a-s xndido se ku'u nda'a ku'u xe'e.



Ña n-kua'a kandeka koio-s se ku'u
kiu ye'e, chi xaxe'e xa chitu ñayiu
ye'e. Ijan n-ka dakaa-s se ku'u
diki ve'e. N-ka xanu-s ita'u
diki ve'e nuu tuu Jesús.
Nuu nune jan n-ka
june'e-s yuu
ñu'u se ku'u.




Na n-xini Jesús xa ka jandixa-s-ia, n-ja'an-ia nuu
se ku'u jan: —Da'ya, xá
n-taxkanu ini-r kuechi-n.
—Ja'an-r nuu mee-n.
Ndokoo. Ndone'e
yuu-n. Te juan
nu'u ve'e-n.



Ijan dada n-keé-ia xi'in se dakua'a-ia barcu. Nu
n-kudava-ia xi'in-s nuu mar,
te n-kidi-ia. Danaa n-kane ñin
tachi nde'e, te nde'e n-xe
kandava ndute. Kuu-té xa
kuxi-té barcu jan.



Te n-ja'an-ia nuu-s: —¿Nakuenda ka yu'u-n?
¿Nakuenda ña ka kukanu ini-n lanyuux? Ijan dada
n-ndokoo-ia te n-kudeen-ia nuu tachi xi'in nuu ndute xe
kandava. Nanii nga n-kuu. Te n-ka yu'u-s,
te ka xia'an tna'a-s: —¿Nde se
kuu se ya'a xa taxnuni-s
nuu ntdantu'u xa io?
Nde tachi xi'in ndute
jandixa ña'a.



'Yo kue'e n-xemani lanyuux ñayiu
ñuñayiu. Xijan kuu xa n-taxi-ia Da'ya
Yi-ia. Medini-ia n-kuda'ya ña'a Taa-ia
lanyuux. Ntdaa ñayiu ka jandixa
mee-ia, ma kuú-i. Kutuu va'a
koio-i andiu kuia
ma jin ndi'i.



Romanos 3:23 Xaxe'e xa ntdantu'u-ro ka kida kuechi, inuu
ka kuu-ro nuu lanyuux. Ñayo-ro va'a xa
najuen tnu'u ña'a-ia.

Romanos 6:23 Dandoo lanyuux ñayiu dani ka kida xaloko
xadu'a kuu anu-i xa kada-i. Te roo, ñayiu ka xinokuechi
nuu lanyuux, kutuu koio-ro nuu tuu-ia nika nikuia xaxe'e
xa n-xi'í Cristu Jesús, la kuu Xto'o-ro xaxe'e-ro.
Xijan kuu ta'u-ro.

Hebreos 9:27 Idini vuelta kuú-ro, ñin ñin-ro, te dada,
ndadandaa ña'a lanyuux.

Efesios 2:8,9 N-dananita'u ña'a lanyuux, ko xaxe'e xa
va'a-ia xi'in xaxe'e xa n-kunda'u ini ña'a-ia xi'in xaxe'e xa
kukanu ini-ro Jesucristu; ñadu xaxe'e xa ka kida-ro xava'a.
Ña tuu nax n-jenya'u-ia. Nakuta'u-ro xa daa n-kida ña'a-ia.



Ñadu xa xaxe'e xa n-ka jandixa-ro-ia, nanita'u-ro chi nuu n-xio xa xaxe'e xijan nanita'u-ro n-kuu, naka ku kuu i'ni-ro.

Romanos 10:9,10 Nuxa xandaa xakuita ka jandixa-ro xa n-nadandoto lanyuux Jesús, te nux ka ja'an-ro nuu ñayiu xa Jesús kuu lanyuux, nanita'u-ro.

Xaxe'e xa kukanu ini-ro Jesús, ma kundido kutau ka-ro kuechi n-ka kida-ro, te nanita'u-ro xaxe'e xa ja'an-ro nuu ñayiu xa kuu-ia lanyuux.

San Juan 3:16,17 'Yo kue'e n-xemani lanyuux ñayiu ñuñayiu. Xijan kuu xa n-taxi-ia Da'ya Yï-ia. Medini-ia n-kuda'ya ña'a Taa-ia lanyuux. Ntdaa ñayiu ka jandixa mee-ia, ma kuú-i. Kutuu va'a koio-i andiu kuia ma jin ndi'i.



Chi ña n-tunda'a lanyuux Da'ya Yï-ia ñuñayiu xa kada u'u-ia ñayiu. N-tunda'a-ia Da'ya Yï-ia vaxi, xa dakaku-ia ñayiu xa ma kuú-i xi'in kuechi-i.

1 San Juan 5:11-13 N-ja'an ndaa lanyuux xa n-kida Jesucristu xa kutuu va'a mee-ro xi'in mee-ia kuia ma jïn ndi'i. N-ja'an ndaa-ia xa du'a koo xaxe'e xa n-xi'í Da'ya Yï-ia xaxe'e-ro.

Nux jandixa ñin ñayiu Da'ya Yï lanyuux, tuu va'a-i xi'in lanyuux, vitna xi'in nde kuia ma jïn ndi'i. Ko nux ña jandixa ñin ñayiu Da'ya Yï lanyuux, ma kutuu va'a-i xi'in lanyuux.

Kidava'a-da carta ya'a nuu mee-n ka kuu ñayiu ka jandixa Da'ya Yï lanyuux. Kidava'a-da nuu-n, xa kutnuni ini koio-n xa kutuu va'a koio-n xi'in lanyuux kuia ma jïn ndi'i.



San Mateo 8-9; San Marcos 1-2, 4; San Lucas 4,
8; San Juan 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Mixtec, Diuxi-Tilantongo NT (xtd) © 2001, Wycliffe Bible
Translators, Inc. All rights reserved

<https://live.bible.is/bible/XTDTBL/MAT/1>

©2026 Bible for Children, Inc.

www.M1914.org

www.bibleforchildren.org

